

MIKANA IZHI WIJICHIGEWIN GAA- INAAKONIGAADeg



ENDASO-DASWAAKI GAA-NIIGAANISHKAAYING DIBAAJIMOWIN MAZINA'IGAN

GAA-GICHI-INANGIZOWAAD GAA-MAAMAWITOOWAAD DIBAAJIMOWINAN

GII-GIIZHICHIGAADe OMAA ONJI

MANIDOOBA ANISHINAABE WIJICHIGEWIN GAA-DANAKAMIGAK

NIIZHO NIISHTANA ASHI NIIWIN ZHIGO NIIZHO NIISHTANA ASHI NAANAN

Niikaanishkaakewin Niibidesinahiikewinan: Kaa-iinadamok keyaniishi Maamiinonikenaaniwak omaa Maanitobaa

Kaa-iinadamok keyaniishi Maamiinonikenaaniwak Onaakonikewin kikendamomakan owe Maanitobaa edakwak iimaa Kayaash ahkiin egwa odahkiimiwaan niishwaaso Anishininiwi Okomaawinan: likweniwan Dakota, Dene, Omashkiikoog, Anishinaabek, Anisinew, Wiisaakodewiniwak, egwa Inuit. Owe Onaakonikewin kaye kikendamomakan owe Maanitobaa ewiji bimi-odisiimakak iwe oji odaanaag wawijiiwidowinan, noogom iishibimaadisowinan egwa nakodamaakewinan iikweniwak oji Anishininiwak egwa Anishininiwi Okomaawinan, mekwaach Anishininiwak omaa Kaanadaa ebiminaakodowaach kichi shaaboshkaakewinan mishiin kaakichiinendaakwaninikin kekonan ewijitowaajin omaa misiwe bimaadisowinik, mekwaach kaye mishiiniwayek misiwe bimojikewinik ka-iishi bimi kakwaadakihaakanowaach. Owe Onaakonikewin ojikanawaabajikemakan iimaa kaa-iishi niibawijikaadekin kekonan kaakiishi wawenahtekipan iimaa *Kanoojikaade jidoojikaadek* iimaa iwe kaakiwijisek Debwewinaak egwa Maamiinonikewinik Oniikaanishkaakeg, iimaa *Maamawijiiwitomakakin Okomaawinan Kichiikidowin iwe oji Omiinikosoniwaan Anishininiwak* egwa iwe *Kanoojikaade Kwayakwakonikewin* iwe oji Misiwe biko ahkiig naanaakadawaabajikewin iwe kaawiji Wanihaakanowaach egwa Nihsaakanowaach Anishininiwi likwewak egwa likwesesak. Owe Onaakonikewin kwayaadinikemakan Okomaawinaag kaa-iishi kanawaabamikosiwaach kaa-oshtowaach egwa bimibamihtowaach maamao kanaaji wawijiiwidowinik iikweniwan Anishininiwan egwa baabakaan awiyan kewiji oshtowaach debweyemimidowinan, jinhstawinikaadekin odaanaag nakodamaakewinan, jiyanoohaadek nadawihiiwewinan egwa ji-oshjikaadekin kedaabidawisekin egwa kemaamawisekin misiwe maamao iishibimaadisowinan.

Owe wiidamaakewasinahiikan iimaa kiiwijise kaakiidoodamowaach iimaa Maanitobaa Okomaawinaag mekwaach April 1, 2024 egwa March 31, 2025. Iwe Maanitobaa Anishininiwi Maamiinonikewinik Oniikanishkaake kaakiiniibidewidakin okweniwan doodamowinan owe, midaaso kaabimadamok iimaa Maamiinonikewinik Dahsoyahki Kaa-iishibimisek Wiidamaakewasinakewinik.

Mekwaach Binaakwewibiisom 2023, Maanitobaa odanohkaadaanaawaa ji-oshkitowaach kaa-iishi wawijiiwidiwaach Anishininiwi Okomaawinan jiwiidanohkiimidinaaniwak Okomaawin egwea Okomaawin iineke dookaan kewiji biniikaadendaakwakin maamao kekonan kaaniikaanenjikaadekin. Ahki, Iishibimaadisowin, egwa Awiyak niwin

iikweniwan keכוןan kaawiji dakwak Okomaawin. Maanitobaa odanohkaadaanaawaa jimashkawitowaach egwa wiijitowaach anohkiiwinan kewiji mashkawitowaach maamao Anishininiwi Okomaawinan, Jiwijisek iimaa okomaawin egwa okomaawin wawiijiwidowinan kewiji maamao kanaadenimidinaaniwak egwa wiidanohkiimidinaaniwak. Owe kaadakwak omaa wiidamaakewasinahiikewinik kiishi winahte iiwe oji kaakiishi wiijikaadekin niiwin keכוןan kaa-iishi waabajikaadekin kaawiji dakwak okomaawin.

Ahki maawach niikaanendaakwan Anishininiwak kaawiji kikenimidisiwaach awanenowaach, kaabeshiko bimondisiwaach, egwa kaawiji minoyaawaach. Mekwaach 2024/25, Maanitobaa okiiwidanohkiimaawaan Anishininiwi Okomaawinan jiwiijidowaach miijimig sakakendaakosowinik, jiwiijtawawaach bikwadahkiig egwa anohkiiwi bimojikewinik wawenahjikewinik maajitaawinan, egwa kaakanawendaakwak bikwadahki. Iimaa Anohkiiwi Bimojikewinan, monahiikewinik, mohtanohkiiwinik egwa Anohkiiwinan kaawiji oshjikaadekin kiinaakwan ebiminakisekin iimaa kekiwiji wawenahjikaadek oshki [kaakichiinendaakosiwaach asiniig kedoodawaakanowaach](#) wiijihiiwewaach egwa wiijtawawaach Anishininiwi Okomaawinan oshtowaach maamao nakodamaakewinan ke-iishi maamao dashidamaadowaach noodasiniiwewi bimojikewinik, kaye kiishjikaadek oshki dashidamaadowinan ke-iishibimisekin iiwe oji Northlands Dēnesųtiné Anishininiwi Okomaawin. Egwa kaye, anohkiiwin bimishkaamakan kewiji kiiwe dibendamowaach ahkiini Anishininiwi Okomaawinan. Mishtahii kaye Maanitobaa Anishininiwak kaadasiwaach omaa iiwedi kiiwetinok dashiikewak, omaa kaye ashidinikaade kaakakwe dodamowaach jiwiji wawiijiwidinaaniwak iimaa kiiwetinok egwa jinakinikaadekinn wiijihiiwewinan iimaa kiiwetinok dashiikewinik. Wiijikewinan ashich maawach mishiin shooniyaawi ahchikewinan iimaa Arctic Gateway Group kewiji nakisek anohkiiwi bimojikewinik maamiionikewinik egwa kewiji wawiijiwidinaaniwak kiiwetinok Maanitobaa egwa bimi anohkaadek kaakiiwinahtek Anishininiwak kaaniikaaniitamowaach iiweni Seal River Watershed Anishininiwi kanawenjikewinik iineke.

Iishibimaadisowin mayaam iiweni odehiiwaak Anishininiwak kaawijibimaajihowaach, kaawijidibaajimowaach, egwa odashiikewiniwaan kaawiji mashkawiimakaninikin. Mekwaach 2024/25, Maanitobaa okiiwijitonaawaa Anishininiwi-niikaanitamaakewin iishibimaadisowin kiiwe bimaajjikewin iimaa oji shooniyaawi ahchikewinik iimaa misiwe biko masinawijikewinik, odaanaag iishibimaadisowinan bimaajjikewinan, egwa dashiikewinik minoyaawinik. Maajitaawinan dookaan kaakiiwawenahjikaaxdekiban iiwe miskowisaawi biitaweshkikan kiishikaa shooniyaawi maawadonikewin egwa ewiijjikemakak iimaa dfashiikewinik iishibimaadisowin bimojikewinan ewiijjikemakak iimaa odaanaag anishininiwi iishibimaadisowinan egwa awaashishiwi bamihiiweinik

kaawishjikaadekin nadawihiiwewikamikoon egwa moojikendaakodowikamikoon. Kodakiyan maajitaawinan iimaa iishibimaadisowinik kaye anohkiiwin iimaa KLwayahkwaakonikewinik egwa dibenjikewinan jiyanioshininiwijiikaadekin wemihtikooshiwi dibenimowewin bimojikewinan dookaan shimaakanishiiwinaag egwa awaashishiiwi bamihiiwewinik ji-oshjikaadekin kaamashkawiimakakin wawiijiwidowinan iikweniwak oji anishininiwi oniikaaniidamaakeg egwa dashiikewinan, egwa wiidanohkiimidinaaniwak jikiiwemiinaakanowaach dibendamaawin kanawaabamikosowinini iimaa anishininiwi okomaawinan, dashiikewinan, egwa dibenjikewinan. Okweniwan doodamowinan ojinaakwan Maanitobaa okomaawinaag kaa-iishi bakidindisiwaach jimashkawitowaach Anishininiwi iishibimaadisowinan egwa kaayani aayaanohko wiijiwidiwaach

lishikiishiwewin bimaadisiimakan kaa-iikidinaaniwak kekoon iimaa Anishininiwi misiwe biko ahkiiwiwaabajikewinik, kikendamaawinik bimojikerwinan, egwa awanenonaaniwak. Mekwaach 2024/25, Maanitobaa Anishininiwi Maamiionikewinik Oniikaanishkaake okiwinahtonaaban iiweni lishikiishiwewin masinahiikewikamikoni kewiji bimaajijikaadek egwa aabadfak Maanitobaa Anishininiwi iishikiishiwewinan, [ekiikwayaadinamowaach bimojikewinini ke-iiniwedamaakemakaninik Hansard iimaa Anishininiwi iishikiishiwewinik](#), jiwiji nakisekin aan minikok kaamasinahiikaadekin kekoonan kaadawakin egwa kewiji wiijihiiwesek kejinaach okweniwan iishikiishiwewinan egaa wiikaa jiwanihjiikaadekin. Maanitobaa kaye odanohkaadaanaawaan jinakinamowaach Anishininiwi iishikiishiwewin bimojikewinan iimaa kikinohamaakewikamikog egwa misiwe biko wiijihiiwewinik. Kaabimisek wiidamaakewasinahiikewin omaa biksibiihiikewinik naakwan Maanitobaa kaa-iishi bakidindisiwaach mooshag jiyaabadakin Anishininiwi lishikiishiwewinan dahsokiishikaa bimaadisowinik egwa jimashkawiichikaadek iishikiishiwewin jiyanishaaboshkaamakak iiwedi niikaaniig awiyak keyani aabajitowaach.

Awiyak kaawiijitowaach kaawiji mashkawiimakak, kaawiji beshiko bimondisomakakin dashiikewinan egwa kaawiji sookiimak iiwe maamiionikewin. Mekwaach 2024/25, Maanitobaa kiishooniyaawi ahchikewak iimaa minoyaawinik, kikinohamaakewinik, egwa anohkiiwi bimojikewinik kewiji shaashiikimikowaach anishininiwak iikweniwan kaakiiwinaabajikaadekin bimojikewinan egwa wawiijiwidowinan oji. Owe kaye doodamowin egwa mishtahii shooniyaawi ahchikewinan kekiwiji anohkaadek iiwe kaawanihaakanowaach egwa kaanisaakanowaach iikwewak egwa iikwesesak egwa kaye kaabaabakaan iishi waabamidisiwaach awiya kichi iisisewinan omaa Maanitobaa, kaakiinanaadonikaaniwak iimaa kichi webinikewinik, egwa kaamaajijikaadek jiyajoonikaadek kaa-iishi naanestaminaakwak doodamowinan dookaan iimaa minoyaawi bimojikewinik, kikinohamaakewinik, egwa kaawiji debinikaadek waakahiikewin egwa

anohkiwin. Okweniwan kakwedoodamowinan kakwe oshjikaadewan kekiwji kekoon debinikaadek, ajoinikaadekin nakaashkikewinan, egwa wiiijikaadekin Anishininiwi beshiko bimondisowinan misiwe biko iineke kaa-iishibimaadisinaaniwak.

Okweniwan doodamowinan kaaniibidesinahiikaadekin omaa wiidamaakewasinahiikewinik naakojikemakan kaabimi aajisek awashime eyaniwiidanohkiimidinaaniwak egwa kaakanawaabamikosinaaniwak dookaan doodamowin kewiji maamiinonikenaaniwak iimaa anishininiwi noodaakosowinik. Kaawiji mkikinoniwemakak iiwe kaakichiinenjikaadek nihsitotamowinik, kanaadendamaawinik, wiijitwawinik egwa doodamowinik, owe Maanitobaa Okomaawin eyanohkaadamowaach ewii oshdowaach jibeshikwaninik iiweni Maanitobani, iimaa maamiinonikewin kaawin ehta jimojiniibawiiijikaadek, jiishinaakwak biko edoojikaadek iiwe.